

Na osnovu člana 26. i 28. stav 3. Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), člana 34. stav 2. Zakona o ustanovama ("Službeni list RBiH", br. 6/92, 8/93 i 13/94), člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 13. stav 2. Odluke o preuzimanju prava osnivača javne ustanove "Kamerni teatar 55" Sarajevo ("Službene novine Kantona Sarajevo", br. 3/99 - Prečišćeni tekst, 33/07 i 1/13), Vlada Kantona Sarajevo na 15. sjednici, održanoj 13.08.2015. godine, donijela je

RJEŠENJE**O IMENOVANJU PREDSJEDNIKA I ČLANOVA
NADZORNOG ODBORA JAVNE USTANOVE
"KAMERNI TEATAR 55"****I**

U Nadzorni odbor Javne ustanove "Kamerni teatar 55" na mandatni period od četiri godine imenuju se:

1. Pjer Žalica, predsjednik
2. Milenko Prstojević, član
3. Radmila Krašnik, član (ispred ustanove).

II

Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-22606-4.4/15

13. augusta 2015. godine

Sarajevo

Premijer

Elmedin Konaković, s. r.

Na osnovu člana 26. i 28. stav 3. Zakona o Vladi Kantona Sarajevo ("Službene novine Kantona Sarajevo", br. 36/14 - Novi prečišćeni tekst i 37/14 - Ispravka), člana 34. stav 2. Zakona o ustanovama ("Službeni list RBiH", br. 6/92, 8/93 i 13/94), člana 12. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13) i člana 14. stav 2. Odluke o preuzimanju prava osnivača Javne ustanove "Muzej Sarajeva" ("Službene novine Kantona Sarajevo", br. 3/99 - Prečišćeni tekst, 33/07 i 1/13), Vlada Kantona Sarajevo na 15. sjednici, održanoj 13.08.2015. godine, donijela je

RJEŠENJE**O IMENOVANJU PREDSJEDNIKA I ČLANOVA
NADZORNOG ODBORA JAVNE USTANOVE
"MUZEJ SARAJEVA"****I**

U Nadzorni odbor Javne ustanove "Muzej Sarajeva" na mandatni period od četiri godine imenuju se:

1. Selma Tahirović, predsjednik
2. Amila Lagarija, član
3. Aida Sulejmanagić, član (ispred ustanove).

II

Rješenje stupa na snagu danom donošenja, a objavit će se u "Službenim novinama Kantona Sarajevo".

Broj 02-05-22606-4.5/15

13. augusta 2015. godine

Sarajevo

Premijer

Elmedin Konaković, s. r.

OPĆINA CENTAR SARAJEVO**Općinski načelnik**

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 25. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04), Općinski načelnik, dana 5.08.2015. godine, verificirao je i donio

ODLUKU**O KOREKCIJI REGULACIONOG PLANA
"PODGAJ - TEKİJA"****(STAMBENO-POSLOVNI OBJEKAT NA PARCELI SP₂ -
AHMETSPAHIĆ PETROL D.O.O.)****Član 1.**

Utvrđuje se Korekcija Regulacionog plana "Podgaj - Tekija" ("Službene novine Kantona Sarajevo", broj 36/10), u daljem tekstu: Korekcija Plana.

Član 2.

Korekcijom Plana utvrđeni su planski preduvjeti za izgradnju stambeno-poslovnog objekta, na lokalitetu označenom kao k.č. 1544, 1543/2 i 1553, K.O. Centar Sarajevo VIII, Općina Centar Sarajevo, kao i formiranje kolskog priključka na saobraćajnicu, te pomjeranje građevinske linije objekta na parceli B8 (zemljište označeno kao k.č. 1551 i k.č. 1545 K.O. Sarajevo VII) bez promjena u BGP-u i spratnosti, u cilju ostvarivanja većih distanci između objekata, prema sljedećim urbanističko-tehničkim uslovima, odnosno na način:

- Regulaciona i građevinska linija planiranih objekata definisana je u grafičkim prilogima br. 2 i br. 4.
- Na parceli B8 građevinska linija zapadne lamele se pomjera prema istoku bez promjena u BGP-u i spratnosti, a na način kako je prikazano u grafičkim prilogima broj 2 i broj 4.
- Namjena planiranog objekta na parceli SP₂ je stambeno-poslovna, a maksimalna spratnost je četiri suterena, prizemlje i pet spratova (4S+P+5). Regulacione linije parcele obuhvata parcele označene kao k.č. 1544, 1543/2 i 1553, K.O. Centar Sarajevo VIII, Općina Centar Sarajevo, i čine jedinstvenu parcelu, na način kako je prikazano u grafičkom prilogu br. 2 i 4.
- Najniži dijelovi objekta na parceli SP₂ imaju spratnost 4S+P+3, a najviši 2S+P+5 na način kako je prikazano u grafičkom prilogu br. 2. Max. BGP svih etaža planiranog objekta iznosi 6464,5 m², što je uvećanje BGP-a za 5152,3 m² u odnosu na Planom predviđenu.
- Potrebno je obezbijediti parking prostor u podzemnim etažama planiranog objekta sa minimalnim brojem 1 stan - 1 parking mjesto i određenim brojem parking mjesta za potrebe poslovnog dijela objekta.
- Ovom Korekcijom Plana određen je položaj ulaza i izlaza iz garaže planiranog objekta na parceli SP₂, kao i kolski pristupi, kako je prikazano u grafičkom prilogu br. 3.

Član 3.

Korekcija Plana sastoji se iz tekstualnog dijela i grafičkih priloga sa prikazanom parcelom i građevinskom linijom planiranog objekta.

Tekstualni dio i grafički prilozi Korekcije Plana su sastavni dio Regulacionog plana "Podgaj - Tekija" ("Službene novine Kantona Sarajevo", broj 36/10).

Član 4.

Korekcija Plana je rađena za fazu urbanizma i saobraćaja, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima, koja su sastavni dio Regulacionog plana "Podgaj - Tekija", te da pribavi saglasnost nadležnih javnih komunalnih preduzeća.

Član 5.

Po jedan primjerak ovjerene korekcije Plana (tekstualni dio i grafički prilozi) nalazi se na stalnom javnom uvidu i čuva se u Službi dokumentacije Općine Centar Sarajevo, Zavoda za planiranje razvoja Kantona Sarajevo, Ministarstva prostornog uređenja i zaštite okoliša Kantona Sarajevo i Gradske uprave Grada Sarajeva - Službe za urbano planiranje i stambene poslove.

Član 6.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 07-23-6194/14
05. augusta 2015. godine

za Općinskog načelnika
Dževad Bećirević

OPĆINA NOVI GRAD SARAJEVO

Općinski načelnik

Na osnovu člana 46. Zakona o prostornom uređenju ("Službene novine Kantona Sarajevo", broj 7/05) i člana 37. Statuta Općine Novi Grad Sarajevo - Prečišćeni tekst ("Službene novine Kantona Sarajevo", broj 30/09), Općinski načelnik, dana 13.08.2015. godine, verificirao je i donio

ODLUKU

O KOREKCIJI REGULACIONOG PLANA
"INDIVIDUALNO STANOVANJE RAJLOVAC"

Član 1.

Utvrđuje se Korekcija Regulacionog plana "Individualno stanovanje Rajlovac" ("Službene novine Kantona Sarajevo", broj 23/08), u daljem tekstu: Korekcija Plana.

Član 2.

Korekcijom Plana je zadržan postojeći individualni stambeni objekat (devastirani objekat), kojem je data nova građevinska linija za rekonstrukciju, dogradnju i nadzidivanje, na zemljištu označenom kao 316/1 K.O. Rajlovac (građevinska parcela br. 1 koja je usklađena sa novim stanjem u katastru), umjesto Planom predviđenog parkinga za planirani stambeno-poslovni objekat sa sadržajima društvene infrastrukture na nivou mjesne zajednice, a čija je izgradnja planirana na zemljištu označenom kao dio k.č. 317 (građevinska parcela br. 2). Ovim je ujedno izvršena i korekcija građevinske linije i građevinske parcele navedenog stambeno-poslovnog objekta.

Spratnost stambenog objekta iznosi: prizemlje+potkrovlje, tlocrtna površina iznosi 134.40 m², a BGP je 201.60 m².

Rekonstrukciju objekta, sa dogradnjom i nadzidivanjem izvesti prema građevinskoj liniji koja je naznačena u grafičkom prilogu - Korekcija RP "Individualno stanovanje Rajlovac" - Urbanističko rješenje, M 1:500 (list br. 2) i Analitička obrada građevinske i regulacione linije, M 1:500 (list br. 3).

Član 3.

Korekcija Plana sastoji se iz tekstualnog dijela i grafičkih priloga: Izvod iz RP-a "Individualno stanovanje Rajlovac", M 1:500 (list br. 1), Korekcija Regulacionog plana "Individualno stanovanje Rajlovac" - Urbanističko rješenje, M 1:500 (list br. 2) i Analitička obrada građevinske i regulacione linije, M 1:500 (list br. 3).

Tekstualni i grafički prilozi Korekcije Plana sastavni su dio Regulacionog plana "Individualno stanovanje Rajlovac" ("Službene novine Kantona Sarajevo", broj 23/08).

Član 4.

Korekcija Plana je rađena za fazu urbanizma, a obaveza investitora je da za faze komunalne infrastrukture izvrši usaglašavanje Korekcije Plana sa Idejnim rješenjima koja su sastavni dio Regulacionog plana "Individualno stanovanje Rajlovac", te pribavi saglasnosti nadležnih javnih komunalnih preduzeća.

Član 5.

Po jedan primjerak ovjerene Korekcije Plana (tekstualni i grafički dio) nalazi se na stalnom javnom uvidu i čuva u Službi dokumentacije Općine Novi Grad Sarajevo, Zavoda za planiranje razvoja Kantona Sarajevo, Gradske uprave Grada Sarajeva i Ministarstvu prostornog uređenja i zaštite okoliša Kantona Sarajevo.

Član 6.

Ova odluka stupa na snagu osmog dana od dana objavljivanja u "Službenim novinama Kantona Sarajevo".

Broj 02-05-17463/14-6
13. augusta 2015. godine

Općinski načelnik
Općine Novi Grad Sarajevo
Mr. Semir Efendić, s. r.